

## SAOPŠTENJE ZA MEDIJE

**Ujedinjene nacije u Bosni i Hercegovini pozdravljaju najavu nadležnih vlasti u BiH o provođenju istrage koja se odnosi na upotrebu policijske sile u Velikoj Kladaši prema migrantima/izbjeglicama smještenim u privremenom prihvatnom centru “Miral”**

**(Sarajevo, 20.05. 2020.)**

Ujedinjene nacije u Bosni i Hercegovini pozdravljaju najavu Ministra unutrašnjih poslova Unsko-sanskog kantona o pokretanju interne istrage o ponašanju policijskih službenika tokom incidenta koji je zabilježen u privremenom prihvatnom centru “Miral”.

Video snimak koji je postavljen na You Tube kanalima i koji su različiti medijski servisi u Bosni i Hercegovini preuzeli, pokazuje policijske službenike koji koriste prekomjernu silu prema osobi koja se čini da je korisnik privremenog prihvatnog centra “Miral” u Velikoj Kladaši, u Unsko-sanskom kantonu.

Ujedinjene nacije u Bosni i Hercegovini i njihovi humanitarni partneri koji rade u “Miral” centru – Danish Refugee Council – su odmah nakon objave snimka poslali zvaničnu komunikaciju nadležnim vlastima u Federaciji BiH, Unsko-sanskom kantonu i Velikoj Kladaši, tražeći njihovu saradnju oko urgentne istrage događaja.

Ujedinjene nacije u Bosni i Hercegovini su svjesne sigurnosnih izazova s kojima se vlasti ponekad suočavaju u izvršavanju svojih dužnosti. Istovremeno, pozivaju sve aktere da se u svakom trenutku vode lokalnim zakonima, kao i međunarodnim normama i standardima ljudskih prava, uključujući one koje reguliraju upotrebu policijske sile. Ujedinjene nacije u BiH osuđuju bilo koju vrstu nasilja nad bilo kojim pojedincima ili grupama.

- kraj -